

閩中撫聞卷十

閩晉江陳雲程係鴻輯

臺灣府

臺灣本古荒服未入版圖明嘉靖間俞大猷追海寇林道乾道乾遁入臺灣俞駐澎湖時哨鹿耳門外道乾殺土番取膏血造舟遁去占城後倭人居之未幾荷蘭人舟遭風借此栖止約歲貢鹿皮三萬皮乃歸荷蘭崇禎八年始築臺灣赤嵌二城設市城外漳泉商賈皆赴焉十七年鄭成功寇江南敗績乃謀取臺灣荷蘭戰不利棄去鄭氏居焉我朝靖海將軍施公琅舟帥取

閩中撫聞

臺灣府

虎井桶盤嶼克之由是百靈效順海不揚波軍士苦海水鹹海岸忽湧甘泉一戰而克澎湖鄭克塽納款始置郡邑

陳軒年詠偽鄭逸事云戰屺旋師返北轅轉教航海關乾坤金多舊借牛皮地水漲遙通鹿耳門赤嵌城孤遺故壘紅彝援絕駐新屯何緣自比虬髯客豈昧幾先讓太原片石能容百萬人天遺圖讖應南閩也知中國全歸漢妄托仙源可避秦荒嶼畚田登版籍土酋番族雜流民開荒絕勝田橫島易世相傳尙不臣荒遠羈栖尙弗誅敢通叛逆約齊驅漫勞蝟戰爭天下先自鯨吞奪海隅三載相持誰得利兩雄交構待全輸彼蒼籍手平南

紀曠古新增一統圖昔年亡將濟川才仰仗威靈涉險來地轉  
海鹹生淡水天回風颶起奔雷官軍血戰滄波險逆虜魂銷劫  
火灰溲嶼全收三十六受降澎島棘門開軒年名昂侯官諸生  
富才藻少日爲仇家告訐謫戍山左遇赦歸里縱遊海上多感  
懷弔古之作

朱幼芝

景英

一元子玉帶歌序云一元子名術桂字天球明遼藩  
裔也明亡由輔國將軍依唐藩閩中封寧靖郡王崎嶇兵間無  
成事窮蹙竄海外追鄭氏歸命無所之遂死臨終書絕命詞曰  
艱辛避海外總爲幾莖髮於今事畢矣不復采薇蕨聞者悲之

閩中撫聞

臺澎府

二

死時年六十六葬鳳山竹滬里

靖海將軍施公克澎湖僞寧靖王語五妃曰我死期至矣皆曰王  
生俱生王死俱死遂同縊堂上後葬之臺灣魁斗山范九池

咸

巡視海疆吊以詩曰忍把童家舊誓忘孝陵風雨怨蒼蒼芳魂  
若向秦淮去正好乘潮到故鄉明妃無命死胡沙青塚荒涼起  
暮笳爭比冰心明似月隔江不用怨琵琶纍纍荒墳在海濱魂  
銷骨冷爲傷神須知不是經溝瀆絕勝要離塚畔人五妃袁氏  
王氏秀姑梅姑荷姐也

瀛涯漁唱云高士心棲不二門興亡坐閱似晨昏壇南數畝閒花

竹道是當年夢蝶園注龍溪李茂春明季鄉薦竄居臺永康里  
題所居曰夢蝶園在府治社稷壇南日誦經自娛人稱李菩薩  
云

康熙辛丑臺寇朱一貴煽亂總帥歐陽凱將裨許雲游崇功羅萬  
倉等血戰死之賊遂有全臺服優人衣冠相稱以名號文臣遁  
逃提帥施公世騁聞報卽登舟抵澎湖扼賊吭與總督滿公保  
軍會命林亮林秀等爲左右先鋒攻鹿耳門燒賊船十餘時海  
水驟漲八尺我舟並航而入破安平克府治捷

閩中撫聞

臺灣府

三

帶是役也以六月興師七月克復與其父襄壯平僞鄭捷期悉符  
澎湖與在巨浸中環島三十六如排衙然昔人多僑寓其上苦菲  
爲廬耕漁爲業唐施肩吾島夷行云腥臊海邊多鬼市島夷居  
處無鄉里黑皮年少學採珠手把生犀照鹹水卽其地也今設  
遊兵汛守焉

夏之芳有臺灣紀巡詩一卷吳廷華有社寮雜詩一卷詳紀臺灣  
番俗撮錄以脩攷夏云牢拴竹箴怕身肥帶孔頻頻減舊圍愛  
把細腰諧鳳卜楚王宮裡夢雙飛男拔鬚鬚女繡頤乍逢鑑貌  
儘多疑雕題鑿齒徒矜尙未解雙蛾夜畫眉倦來高枕樹爲巢

簾幕牽連枝格交栩栩夢回非是蝶一身幻化類蠨蛸臨溪問  
渡少解艘石澗分流遠擊撞腰上葫蘆頭上羽隻身飛過水淙  
淙抄陰尺布不堪縫無褐無衣可耐風北地乍寒偷射獵人人  
盡是鹿皮翁吳云刻期插羽走猶鄰未受室謂之猶鄰專司驛逝雨夜風晨  
往返頻一道官文書到處沿街响激卓機輪鈴鐸之屬霞籃漆籠滿  
蝸廬家計休嫌長物無還似老僧新駐錫纍纍東壁大葫蘆秦  
贅何從問肯堂閨中仄陲蔓偏長諸姑伯姊家人聚不見男行  
見女行琴瑟更張意已乖蕭郎歧路為誰排夫婦不相離異回頭斷  
齒追歡日番文成婚則去二齒尙賸親磨鹿角釵金飾脂膏舊鬪體爭相

閩中撫聞

臺灣府

四

雄長在揜矛而今漸曉秋曹法不掛人頭掛獸頭

鳳山沙馬磯其頂常帶雲烟非天朗氣清不得見故老言頂上時  
有絳衣縞衣二人對奕今山上石碁盤石枰猶存夏之芳詩云  
仙山縹緲閣斜曛石上棋枰舊印紋沙馬磯頭人罕到欄柯樵  
子話烟雲

諸羅縣玉案後山之麓其下水石相錯石罅泉湧火出水中  
有燿無烟燿發高三四尺晝夜不絕置草木其上則烟生燿烈石  
而堅傍石之士燃焦如石名曰火泉好事者多往觀焉

古橋岡詩序云鳳邑未入版圖時邑中人六月樵于大岡山忽見

古橋挺然山頂向橋行里許則有巨石一座出石門入庭花開  
落堦草繁榮野鳥自呼廂廊寂寂留題詩語及水墨畫蹟登堂  
一無所見惟隻犬從內出見人搖尾不驚曲折緣徑皆合抱橋  
樹也垂實如椀大嚼之甘香異常橋因袖懷數顆俄而斜陽入  
樹山風襲人遂荷樵歸遍處誌之至家以語人出橋相示再往  
遂失所在

暗浮在臺灣之東北有紅彝舟泊其地無晝夜山明木秀萬花遍  
滿而上無居人謂其地可居遂留二百人給以一歲之糧次年  
復至則山中俱如長夜所留之番已無一存乃取火索之見石

閩中撫聞

其臺灣府

五

上留字言一至秋卽成昏黑至春始旦黑時俱屬鬼怪其人遂  
漸次而亡蓋一年一晝夜云

臺灣草木經歲不萎花開無節黃巡方叔琬云余仲冬按部至斗  
六門見桃花盛開至笨港見人擎荷花數枝回署見榴花照眼  
張巡方湄有真個四時皆似夏荷花度臘菊迎年之句

臺地西瓜有種於八月成於十月者用以充貢故朱筠圍仕珩有  
句云何須更沐溫湯水正月 神京已進瓜